

koje se odlikuju malom količinom mineralnih sastojaka i sliče termama čuvenih pirinejskih ljekovitih kupatila.

Ribarska Banja ima dva kupatila: toplo i hladno. Duž zračnoga i lijepoga hodnika, koji služi kao čekaonica, nalaze se tri bazena, od kojih je jedan prvoga, a dva drugoga razreda. U bazenu prvoga razreda mogu se istodobno kupati 40 osoba. Bazeni, zidovi i pod oko njega obloženi su porculanskim pločicama. Bazeni drugoga razreda su manji. U njima se mogu zajednički kupati oko 30 osoba. Voda je ista kao i u bazenu prvoga razreda, a obloženi su kamenim pločama. Svi bazeni imaju potreban broj kabina za svlačenje. Osim toga ovdje se nalazi i veća soba za ležanje poslije kupanja, tzv. sudatorij (znojilište), i odjeljenje za masažu.

U odjeljenju gdje se kupa u kadama, ima 23 kabine i to: 13 kabina s po dvije kade i 10 s po jednom kadom. Sve su kade obložene porculanskim pločicama. I u ovome odjeljenju ima prostorija za masažu.

Hladno kupatilo s vodom oko 20° C ima tri bazena: jedan za muške, drugi za ženske, a treći za djecu.

Indikacije: razna reumatična oboljenja zglobova i mišića, neuralgije, urični artritis, pareze i paralize, razne ženske bolesti, latentni sifilis, zastarjele rane, skrofuloza i limfatzam, opšta slabunjavost, katarj organa za varenje i disanje, hemeroidi, hronične kožne bolesti, dječja malokrvnost.

Protuindikacije: otvorena tuberkuloza, teže srčane mane, jača skleroza krvnih sudova, teža neurastenija i zle guke.

Kupalište ima svoga liječnika specijalistu, masere, masekerke, PTT.

Zabave: Kupališna muzika od 15. juna do 31. augusta. Dilektantski koncerti, razne društvene zabave, popularna predavanja, koncerti pojedinih domaćih umjetnika, tombole, zajednički izleti u okolicu itd.

Gostionice: U lječilišnoj dvornici gostionice I i II razreda. U privatnim vilama može se kuhati.

Stanovi: Vila Srbija, V. Hercegovina, V. Bosna, V. Dalmacija, V. Slavonija, V. Stara Srbija, V. Crna Gora, V. Krem, V. Mačedonija, V. Rasina.

Sezona: 15. maj — 30. septembar.

Prevozna sredstva: Od željezničke stanice Đunis do banje stalno saobraća raskošni autobus za sve vozove, privatni automobili i kočije.

Obavještenja: Uprava banje u Ribarskoj Banji.